

**SHIRE HIGHLANDS EDUCATION DIVISION****2024 MALAWI SCHOOL CERTIFICATE OF EDUCATION MOCK****EXAMINATION****CHICHEWA****Subject Number MO32/III****Wednesday, 27<sup>th</sup> March****Time Allowed: 2 hours****8:00 - 10:00 am****PAPER III****(Malikisi 70)****Malangizo:**

1. Onetsetsani kuti pepala ili lili ndi masamba osindikizidwa asanu ndi anayi.
2. Pepalali lili ndi magawo awiri: A ndi B
3. Lembani nambala yamayeso pamwamba pa tsamba lililonse loyankhirapo.
4. Mu chitebulo chili kumbaliku onetsani funso lililonse lomwe mwayankha pochonga mubokosi lomwe lili kutsogolo kwake.
5. Perekani pepala kwa oyang'anira mayeso nthawi ikakwana.

Funso	Chongani funso ngati mwayankha	Muno musalembemo	
1			
2			
3			
4			
<b>Total</b>			

**GAWO A (Malikisi 30)**

**Nkhani za Mchezo ndi Zolembedwa**

**1. NDAKATULO**

Langizo: Werengani ndakatulo ili m'musimu ndipo muyankhe mafunso otsatirawo:

**TIDALI KALE IFE**

Tidali nyenyezititha ife

Makosi amphongo palibe ankadutsa osachewuka

Pofuna kuyamikira chilengedwe

Chauta atayika zonse m'chimake

Lero n'mbiri chabe anthuni

Kuona maso ankhono poti n'kudekha

Mapenyapenya amapha maso, magwiragwira amapha manja.

Tidali atsikana ife

Masaya ndi mbina ngati zithaphwi kuphwerera

Lero tili ndi miyendo atatu poti

Msana udachita konye

Lero tatsala madzi amodzi

Thupi lonseli n'ladzanzi,

Nyamakazi siyituluka

Lero kapena mawa titsinzina

Mudzatiperekeza kumbiya zoodooka.

Kuti ananu mudzaone imbvi,

Kuti kumanda kudzakutalikireni,

Sungani miyambo yathu.

Azimu akakufulatilani, fululani mowa

Awa ndiwo mawu a tsabola wakale.

**MAFUNSO**

- a. Ndani akuyankhula mu ndakatuloyi?  
\_\_\_\_\_ (Malikisi 1)
- b. Woyankhulayu mmene alili pano akusiyana ndi kale. Lembani Mfundo ziwiri zotsimikiza kuti amene akuyankhula m'dakatuloyi Sali mmene analiri kale
- i. \_\_\_\_\_ (malikisi 1)
- ii. \_\_\_\_\_ (malikisi 1)
- c. Lembani langizo **limodzi** lomwe woyankhulayu wapereka mu ndakatuloyi kuti anthu akhale ndi moyo wautali.
- i. \_\_\_\_\_ (malikisi 1)
- d. Perekani mtundu wa ndakatuloyi  
\_\_\_\_\_ (Malikisi 2)
- e. Perekani zipangizo **ziwiri** ndi zitsanzo zake zimene mlembi wagwiritsa ntchito kuti ndakatuloyi ikhale yothyakuka
- i. \_\_\_\_\_ (malikisi 2)
- ii. \_\_\_\_\_ (malikisi 2)
- f. Perekani matanthauzo a mawu awa:
- i. Tili ndi miyendo itatu \_\_\_\_\_ (malikisi 1)
- ii. Titsinzina \_\_\_\_\_ (malikisi 1)
- iii. Kumbaya zoodoka \_\_\_\_\_ (malikisi 1)
- g. Perekani phunziro lalikulu lopezeka mu ndakatuloyi.  
\_\_\_\_\_ (malikisi 2)

## 2. KUSANKHA CHIMODZI

Mmmudzi wina mudali banja lina limene linali ndi chuma chambiri choposa chimene maanja ena anali nacho m'mudzimo. Banjalo lidali ndi nyumba yabwino, ng'ombe, nkhekwe za zakudya ndi ndi zovala zambiri ndipo silinkasowa kanthu. Banja lachumalo linali lamakhalidwe abwino kwambiri ndipo anthu ankalikonda chifukwa cha mtima wofuna kukhala bwino ndi munthu aliyense.

Bambo ndi mayi olemerawo anali ndi mwana wamwamuna m'modzi amene ankamukhulupirira kwambiri. Anthuwo anali ndi wanchito wamamuna m'modzi amene anakhala naye zaka zambiri ndipo wantchitoyo ankakhala naye ngati mwana wachisamba wa banjalo.

Chaka china mwamuna wolemera uja anayamba kudwala. Tsiku lina matenda anafika povuta kwambiri ndipo bambo uja anakhala ndi banja lake ndipo kenako anapemphera, pamene anaona kuti adali pafupi kutsirizika chifukwa anali wokalamnba kwambiri. Atatha pemphero lake, iye

ananena kuti zoonadi anali munthu wokalamba ndiponso wachuma chambiri. Anati chomwe amafuna chinali choti akamwalira, chuma chake chonse chidzapatsidwe kwa wantchito wake osati kwa mwana wakeyo kapena mkazi wake ayi. Komabe iye anati mwana wakeyo adzaloledwe kusankhha chinthu chimodzi chokha basi ndipo zonse zotsala zidzakhala za wantchito. Izi zinadabwitsa kwambiri mwana ndi mkazi wake. Patapita tsiku limodzi, mwamuna uja anasamira dzanja ndipo dera lonse lija linalira maliro momvetsa chisoni chifukwa cha imfa ya wokondedwa wawo. Anthu ambiri analiranso kwambiri atamva zomwe malemuyo adanena ndipo adafunsana n'chifukwa ninji khumutchayu wachita ichi?

Nthawi yolira maliro itatha, mnyamata uja anayamba kukhala ndi maganizo ambiri popeza sanadziwe chinthu chimodzi chokha chomwe iye anayenera kusankha. Chifukwa cha maganizo amenewo, iye anayamba kuwonda kwambiri ndipo ankangokhalira kudandaula kuti chuma chake chipita kwa munthu wadera.

Tsiku lina mnyamatayo akuyenda m'njira chifukwa chosowa zochita, anaona mayi wina wokalamba wa m'mudzimo atasenza katundu. Mnyamatayo atamuthangata mayi wokalamba uja pomunyamulira katundu wake mpaka kukamufikitsa kunyumba kwake. Asanabwerere kwawo, mayi wokalamba uja anamufunsa mnyamatayo chifukwa chomwe ankakhalira wosungulumwa komanso chomwe chinkamuwondetsa. Mnyamata uja analongosola za chomwe chinkamudya moyo wake. Mayi uja anamuuzza mnyamata uja chomwe iye anayenera kusankha m'malo mwa zonse. Atamva malangizowo, mnyamata anayamba kusangalala chifukwa anapeza chosankha chabwino.

Tsiku losankha chinthu chimodzi litakwana anthu anali nyomii kunyumba kuja pofuna kuona chomwe mnyamata uja asankhe poti chuma chonse chija chinali cha wantchito uja osati cha mnyamatayo kapena amake.

Gulu la anthu lomwe linkayendetsa mwambo woti mnyamata uja asankhe chinthu chimodzi, linamuuzza mnyamatayo kuti asankhe chinthu cha kumtima kwake.

Wapampando wa gululo anati” Nthawi yakwana yoti usankhe chinthu. Tsopano sankha chinthu chimodzi monga momwe ananenera malemu, bambo ako.

Mnyamatayo anamwetulira ndipo anati, “Ndiliba chosankha china; ndisankha wantchitoyu. Zikomo kwambiri.”

Anthu onse anazizwa ndi nzeru za mnyamatayo ndipo anasangalala kwambiri.

## MAFUNSO

- a. Nkhaniyi ikuchitikira kuti?

\_\_\_\_\_ (Malikisi 1)

- b. N'chifukwa chiyani khololi lidaganiza zopereka chuma kwa wa ntchito osati kwa mwana kapena mkazi wake?  
\_\_\_\_\_ (Malikisi 1)
- c. Kuchokera mnkhaniyi, perekani chitsanzo chimodzi cha:
- i. chifanifani: \_\_\_\_\_ (malikisi 2)
  - ii. chining'a \_\_\_\_\_ (malikisi 2)
  - iii. mvekero \_\_\_\_\_ (malikisi 2)
  - iv. Funso lachodziwadziwa: \_\_\_\_\_ (malikisi 2)
- d. Perekani matanthauzo a mawu awa:
- i. chinkamudya moyo wake  
\_\_\_\_\_ (malikisi 1)
  - ii. mwana wachisamba  
\_\_\_\_\_ (malikisi 1)
- e. Make mbu mwana mbu, Tsimikizani mkuluwikowu pa khalidwe la makolo ndi mwana m'banjali.  
\_\_\_\_\_  
\_\_\_\_\_ (Malikisi 2)
- f. Perekani phunziro lopezeka munkhaniyi?  
\_\_\_\_\_ (Malikisi 1)

### GAWO B (Malikisi 40)

**Langizo:** Yankhani mafunso awiri okha m'gawoli m'ndime zofotokozedwa bwino.

### NTHONDO (SJ Nthala)

3. a. Nthondo atatembenuka mtima adaonetsa khalidwe lenileni la umunthu. Tsimikizani mawuwa popereka mfundo zinayi. (Malikisi 20)

### KAPENA

- b. Atengambali ena adaonetsa mgwirizano m'nthano ya Nthondo. Tsimikizani mawuwa popereka mfundo zinayi. (Malikisi 20)

---



---



---

**SCHOOL NAME:** \_\_\_\_\_ **EXAMINATION NO:** \_\_\_\_\_

Page 6 of 9

This image shows a single sheet of white paper with horizontal ruling lines. The lines are evenly spaced and run across the width of the page. There are no margins, text, or other markings on the paper.

**CHAMDOTHE NDI ZISUDZO ZINA (W Nkhoma, S Likongwe)**

#### 4. a. MUDZI WA MFUMU TANDWE

M'mudzi wa mfumu Tandwe atengambali ena adaonetsa khalidwe la nkhanza kwa amayi ndi ana akazi. Tsimikizani popereka mfundo zinayi. (Malikisi 20)

# KAPENA

**b. ZIKANI**

Atengambali ena ndi adyera ndi ufuna kuphwanya maufulu a ena. Tsimikizani mawuwa popereka mfundo zinayi. (Malikisi 20)

**SCHOOL NAME:** \_\_\_\_\_ **EXAMINATION NO:** \_\_\_\_\_

Page 8 of 9



**SCHOOL NAME:** \_\_\_\_\_ **EXAMINATION NO:** \_\_\_\_\_

Page 9 of 9

[illegible]

**MAFUNSO ATHERA PANO**